

Invit ala funziun penitenziala y ala confesciun:

Carsëma nes inviëia ala converjiun. Sunse ma sinziers! Le mal y le picé é na realté te chëra ch'i tomun tres indô ite. Chësc sozed
- sc'i rovinun le raport cun nos instësc (sc'i se fajun de dann a nos instësc),
- sc'i rovinun o desdrujun le raport cun i atri (fajon de tort o ne daidan nia)
- sc'i ne ti portun nia le respet che ti speta ala creaziun y ne la sconun nia
- y dantadöt sc'i s'ojun demez da Chël Bel Dî che nes pîta so amur.

Por crësce y madurí te nosta personalité, él debojëgn ch'i se sintiunse en colpa sc'i un fat de tort. Surantó responsabilité por le picé ch'i un fat ô di: se reconzilié indô o almanco porvé.

La Dlijia nes vëgn adincuntra y nes pîta aiüc sön nosc tru por rové indô ala reconziliaziun; al é n sforz ch'i messun tres indô fá danü te nosta vita.

La zelebrazion penitenziala é na funziun importanta tla vita dla comunité cristiana. Ara nes pîta l'ocajun da s'architè n momënt, da ponsé sura: sura nos instësc, sura nosc raport cun Chël Bel Dî y cun nosc proscim. Tla funziun penitenziala se metunse cun nosta colpa dan da Chël Bel Dî y dan dala comunité. La cosciënza de ester en colpa y la scincunda dl pordonn á da fá cun Idî y cun la comunité te chëra ch'i viun. Tl ejam de cosciënza y tla converjiun deboriada podunse sinti tla solidarité cun i atri che Chël Bel Dî nes vëgn adincuntra y nes pordona.

La confesciun dan dal prou é spo n vare implü, dailó ciafunse personal-mënter le confort che nüsc picia nes vëgn pordená da Chël Bel Dî. L'assoluziun personala é n'espresciun particolare dl amur che Idî ti porta a vigni cristian batié.

Deperpo che le prou prëia tla funziun penitenziala jö sön nos le pordonn di picia, ciafunse tla confesciun sacramental a tpersonlamënter dal prou l'assoluziun cun l'assiguraziun che i piciá é pordená. Chësta bela esperiënza dl amur de Dî nes vëgn ma scincada tla confesciun y ara stá a nos da se fá pormez y pié do. Le ploan, siur Iaco

La **doturia Margarete Mahlknecht** é demez dai 23 (lönesc) ai 27 (vëndres) de merz y vëgn sostituida dal dotur Eduard Agreiter 0474 523 315 / 333 13 80 852

SAN MARTIN Y LUNGIARÜ

Le grup di Cresimanc portará dant la Pasciun dl Signur en **Vëndres Sanc**; en chël dé gnaral ince tigní l'oferta Misereor por la fan tl monn y i mituns gnará inviá da dé jö les scatores cun sües ofertes ch'ai á abiné adöm de Carsëma.

Invit ala **prozesciun tradizionala di jogn en vëndres**, ai 27 de merz, pian ia dales 20.00 dala dljia da La Val y jon sö dala dljia de Santa Berbora.

L'Uniun dl Sport diletantistich da San Martin inviëia i membri y i sostignidus ala **sentada generala cun lites**, en vendres, ai 27 de merz, dales 20.00 tl salf dla Cassa Raiffeisen a San Martin.

22.3. - 29.3.2015 - nr. 17

Plata dla Cöra


termo por publiché: jöbia dales 20.00

de San Martin y Lungiarü

5ª Domënia de Carsëma - B

Vangele: Jan 12,20-33

Valgügn grecs, che orô en la festa de Pasca adoré Idî a Ierusalem, ti ê jüs pormez a Filipus, che ê da Betsaida tla Galilea, y ti à dit: Signur, i orësson odëi Gejù. Filipus é jü y ti l'à dit a Andrè; Andrè y Filipus é jüs y ti l'à dit a Gejù. Mo Gejù ti à respognü:
L'ora é gnüda, che le Fi dl Om vëgn glorifiché. Amen, amen, i ves diji:
Sce le granel de formënt ne toma nia te tera y mör, romàgnel su; mo sc'al mör pôrtel tröp früt.
Chël che é tachè a süa vita, la perd;
mo chël che arata püch süa vita te chësc monn, la mantignarà por la vita eterna.
Sce un ô me sorvì, déssel me gnì do;
y olache iö sun, dailò saral ince mi sorvidù.
Sce un me sorvësc, saral le Pere che l'onorëia.



Al é n valgügn grecs, plütosc porsones forestes, che ó, amesa le tumult dla festa de Pasca a Ierusalem, odëi Gejù. Sce le vangelist baia de «odëi», spo minel val' deplü co ma n pü' «cuché». «Odëi» ó dé se lascé ite, sté lapró, orëi rové dlungia. I grecs, che é gnüs a adoré Idî a Ierusalem, le ciafa te Gejù. Mo por ti rové dlungia mëssi l'azeté sciöche cruzifijé y inalzé da Idî. Por odëi Gejù: messunse se mëte da süa pert y lascé döt por davagné döt. Ma «cuché» é massa püch.

Chësc é ince le significat dl granel che mëss morí por vire. Sc'i orun se mëte a sorvisc de Dî y di fredesc, messunse nos instësc jí sot o almanco se mëte instësc da na pert, zënza ne sciafiel nia da crësce sö val' de nü.

Pro Gejù ciafunse le tru tla vita, te na vita che é deplü co ma la vita te chësc monn. Na vita nia liada nos instësc, mo liada a val' fora de nos, liada a Chël Bel Di por i atri.

Ploan: siur Iaco Ploner ploner.jakob@aruba.it
tel.: 333 48 32 765 / 0474 453 003

Redaziun: T. Gasser anton.gasser@rolmail.net
tel.: 348 27 44 517 / 0474 523 194

	SAN MARTIN		LUNGIARÜ
22.03.15 5 ^a Domënia de Carsëma	9.00 Les Staziuns 9.30 Gran Mëssa dla comunité aniv. Albert Trebo	22.03.15 Domënia	7.55 Les Staziuns 8.15 Gran Mëssa dla comunité
23.03.15 Lönesc <i>Turibio, Rebeca</i>		23.03.15 Lönesc	19.30 Cërtrl dla Bibla te calonia
24.03.15 Dedolönesc <i>Elias, Catarina</i>	19.00 Mëssa en onú de Santa Maria + Doro Verginer + Stina Conrater 19.30 Cërtrl dla Bibla te calonia	24.03.15 Mertesc	16.30 Via Crucis
25.03.15 Dedemesaledema <i>Anunziaziun dl Signur (Santa Maria de merz)</i>	19.30 Les Staziuns 20.00 <i>Sentada dl Consëi de cöra</i>	25.03.15 Mercui	7.50 Mëssa di scholars en onù de Santa Maria aniv. Frida Dapoz + Albina Clara por les Animes 14.30 Confesciun di scholars dla mesana 19.30 Funziun penitenziala por düc
26.03.15 Jöbia <i>Luidger, Larissa, Tecla</i>	7.30 Mëssa di scholars + Bino Pedevilla + Veneranda Graffonara + Monica Zingerle Corona por vocaziuns 16.00 Pröma confesciun di Neocomunicanc	26.03.15 Jöbia	7.30 Zelebrazium dla Parora de Dî
27.03.15 Vëndres <i>Heimo, Frowin, Rupert</i>	19.00 Funziun penitenziala por düc	27.03.15 Vëndres	7.30 Mëssa + Ivo Sorá + Agostin Daporta + Costantino Mischi 14.30 Confesciun di scholars dl’elementara
28.03.15 Sabeda <i>Guntram, Wilhalm, Ioana</i>	9.00 Incuntada cun i cresimanc 15.30 Mëssa tla Ciasa de Palsa 18.00 Confesciuns 18.30 Mëssa prefestia + + fam. Angel y Pia Moling + Maria Untere Wenger + Franz Frenner	28.03.15 Sabeda	19.30 Les Staziuns 20.00 Mëssa prefestia + Angela Costa Nagler aniv. Sabina Daporta Dejacó + + Severino y Angela Clara
29.03.15 DOMËNIA DAL ORÍ	10.00 Benedisciun dl Orí dan calonia y ingres te dlijia Pasciun di Signur y Mëssa dla comunité	29.03.15 Domënia	8.15 Benedisciun dl Orí dan calonia y ingres te dlijia Pasciun di Signur y Mëssa dla comunité